



Rosenheimer Riesenrad – ein Gedicht

Beitrag

Rosnhoama Herbstfest heia a Frühlingsfest?

*Am Sonntag is's Winta wordn.
I bi glei mit'm Radl in d'Stodt neigfahn
und hob gschaut, wia's a'm Riesenrad geht.
Ob des übahaupt no steht.*


*Da Schnee hot si boid vadruckt,
sunst hätt er des Gefährt nieda druckt.
Es hätt aa bei dem starkn Wind leicht umfoin kenna
und de ganz Umgebung mitnehma.*

*Is des Rosnhoama Herbstfest heia a Frühlingsfest wordn?
I bi jednfois scho amoi mit dem Riesenrad gfahn.
Wer woäß, ob's heia in Rosnhoam a Wiesn gibt?
Des Riesenradfahn hob i jednfois scho erledigt.*

*I bi fast beim Petrus obn gwen.
Do der hot vo mir nix wissn mögn.
Er hot mi Richtung Höll obigschickt.
Da Teifi hot mi Gott sei Dank net dablickt.*

*Nach dem AUF UND NIEDA IMMA WIEDA
bin i untn außitappt
und de Hoamat hot mi wieda ghabt.*

Gedicht und Fotos: Marga Leingartner, Rosenheim



Kategorie

Allgemein

Schlagworte

1. Gedicht
2. Riesenrad
3. Rosenheim